



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Ad Leontem Tomacellum sodalem.

urn:nbn:de:hbz:466:1-13534

Vt nunc mutata parte Caminus eat.
 Quoq; deæ latuere, locum dixere Cauellas,
 Templaq; sublimi constituere iugo.
 Quare agite & sacros Musis referamus honores,
 Reddamusq; pjs debita tur a focis.
 Et tu Pieridum cultor, quem lenia Phœbus
 Iussit Dirceæ plectra mouere lyrae,
 Cinge comam Lauro, citharamq; intende Camœnis
 Galle, Aganippeï gloria magna chori.
 Elisioq; sui resonent montesq; lociq;
 Oppida quem dominum Gallutiana colunt.

AD LEONTEM Tomacellum sodalem.

e Cquid in absentem quereris male fortis amicã?
 Nec linquit curas Anthionea tuas?
 Et deserta graui resonant num littora planctu?
 Ipsaq; de lacrimis humet arena tuis?
 Ac miser in cassum uotis tibi Nerea placis.
 Scilicet ut reduci uenerit illa rate.
 An mare, longinquoq; absens Trinacria tractu
 Extinxere tuas igne tepente faces?
 Sed neq; tam facili percussit uulnere quenquam
 Ille sagittifera qui ualet arte puer,
 Vt non post multos sanandum liquerit annos,
 Lætalem didicit nanq; ferire locum.
 Nimirum & sæuas pascit Trinacria flammæ,
 Nedum sit facibus terra aliena tuis.
 Adde quod & Veneri tellus accepta, suisq;
 Testatus quondam sedibus altus Eryx.

AMORVM

An formosa nouæ successit Delia curæ?
 Atq; nouo cessit uictus amore uetus?
 Spirauitq; tuis uotis felicior aura.
 Illuxitq; tibi gratior hora Leon?
 Viciniq; fauet fontis custodia Tisbe?
 Et soror, & cæromater amica tibi est.
 Quæq; tuo inuidit nuper fortuna sodali
 Hæc tibi felices porrigit æqua manus.
 Nanq; ego cum facilis dominæ tentarer amore,
 Implereiq; meam lenior aura ratem,
 Inuida præripuit lætæ mors gaudia menti,
 Fregit & in medio quassa carina salo.
 Hinc ego blanditias, ipsumq; Heliconæ reliqui.
 Mæq; ipsum damno, delitiasq; meas.
 Nec me ni tristes curæ subeuntq; premuntq;
 Omnis & à moesto uate recessit amor.
 Dæq; meis quondam nugis lusuq; iocisq;
 Nil mihi nunc reliquum est, nil nisi triste queri.
 Nec me delectant dulces uelut ante Camœnæ,
 Illa quidem secum mæq; measq; tulit.
 At tu cui præbet faciles Amathusia natos,
 Dulcia naturæ munera carpe Leon.
 Venturamq; memor fato properante senectam
 Non ingrata tuo dona refer Genio.
 Sitq; omnis sine nube dies. tum deniq; dices
 Vixi. nunc o mors nil nocitura ueni.

FRIGORE INVITATVR

ad uoluptatem.